



# E fa'apefea ona fa'aaogā Iloiloga Tupe Fa'asoasoina a le Fono Tele?



*O le sauniga i le tatalaina o le Fono Tele 2006*

O lenei tama'itusi e tali ai fesili e uiga i ala tupemaua a le Fono Tele ma le Faaaogāina, e aofia ai le auililiga o auunaga eseese o loo faia e le Ofisa o le Fono. *Lomiga Fepuari 2008*




Presbyterian Church  
of Aotearoa New Zealand



# Tupemaua a le Fono Tele

*Ole ata o le uili ua fa'apaseneina ai vaega ta'itasi o ala o tupemaua a le Fono Telee tusa ma faamatalaga o tupe mo lulai-Oketopa 2007. O le tupe fuafuaina mo tupemaua o le tausaga faaletupe 2007/08 e \$6.370 miliona.*



**Saofaga a aulotu** (61 pasene o le tupemaua atoa), o le alatupe autū lea, e aofia ai Tupe fuafuaina a le Fono ma saogatupe e maua mai taumafaiga tuufaatasi a Ekalesia Tufaatasi (Uniting Churches).

O le aofa'i o Tupe Fuafuaina a le Fono e faatulaga e le Komiti o Alamanuia( Resource Sub-Committee) i le amataga o tausaga faaletupe taitasi, e faavae i tupe fuafuaina ua faaogā. I tausaga e lua ua tuana'i atu, ua pa'ū le tupe maua a le Fono Tele mai ana Tupe fuafuaina, mai le 14 pasene i le 11 pasene o tupemaua a aulotu. O le Fono Tele 2006 sa manatu ai e fa'agata lea pa' i le 10 pasene, ma o le Komiti o Alamanuia ua gafa ma le sailiga o auala e faatino ai lenei faamoemoe.

**Tupe faameaalofa ma taulaga** (19 pasene) e aofia ai tupe faameaalofa mai uili a tagata malilii ma taulaga mai tagata o le Ekalesia, e faaautū mo le Ofisa o Misiona (Global Mission Office) , e faapea foi ma tupe maua mai le Faalapotopotoga mo Misiona o le Lalolagi (Council for World Mission) mo galuega fa'amisiona a le Atunuu. E maua foi e le Ekalesia tupe foaifua mai le Sinoti a Otago ma Southland, le Presbyterian Foundation ma le Presbyterian Savings and Development Society, lea e faatupeina le polokalame o le Kids Friendly ma le Kolisi Fa'afaifea'u (Knox Centre for Ministry and Leadership).


**Tupemaua mai tului** (16 pasene) e maua mai fa'aputugātupe (investment) o loo umia e le Presbyterian Investment Fund. E iai tupe teu o loo umia e le Fono Tele, le A'oga Faafaifeau ma le Ofisa o Misiona. O le tele o nei tupe teu o loo i lalo ose teugatupe mo se faamoemoe faapitoa ma o le tino i tupe ma le tului e le mafai ona talaina e le Ekalesia Aoao.

**O isi tupemaua** (4 pasene) e aofia ai saogatupe mo le ofisa e faatatau i auaunaga tautupe, tupemaua mai falemautotogi e umia e le A'oga Faafaifeau, faapea se nofoaga ma utotogi a le Fono Tele o loo i Karaisetete, pili totogi o aoga, ma faatauga o tusi (magazines) ma tupemaua mai faasalalauga faatosina.

# Tupe faaaogā a le Fono Tele

*O lenei uili o le ata o vaega eseese o tupe faaaogā e tusa ma fuainumera mai ia Iulai – Oketopa 2007. O le tupe fuafuaina mo tupe faaaogā I le Tausaga faaletupe 2007/08 e \$6.369 miliona.*

*Nisi faamatalaga e uiga i le Tupe fuafuaina ma faaiuga e mafi ona maua i luga o le upega tafa'ilagi [www.presbyterian.org.nz](http://www.presbyterian.org.nz)*



O le Ministers Beneficiary Fund, o se **Faaputuga tupe mo Faifeau Malolo** (20 pasene o le aofai o tupe faaaogā) e maua e faifeau ua litaea. E laina tutusa ma sao a faifeau taitoatasi mai o latou faaoloaga, ma e faatupe mai Tupe Fuafuaina a le Fono ma galueaina ise pasene o le faaoloaga a le faifeau lava ia.

O le **Kolisi Fa'afaifeau ua fa'aigoaina nei o (Knox Centre for Ministry and Leadership)** (19 pasene) o lona famoemoe e tulimata'i le a'otauina o faifeau mo la tatou Ekalesia. Sa fa'aigoa muamua o le A'oga Faafaifeau, (School of Ministry) a o le suiga o le igoa, ua faamamafaina ai le suia o le polokalame mai le lua-tausaga o le nofo tumau i Tanetini (Dunedin) i le amataina o le a'otauina ao faaiuiu le faailoga tikeri faafaifeau e a'oa'oina i se iunivesite, ma faaauau ai lava le polokalame i totonu-o aulotu mo le lua tausaga pe a maea aoaoga i le iunivesite. Faatasi ai ma se fuainumera itiiti o faia'oga tumau i le vasega o faia'oga o le A'oga, o isi e iai le poto faapitoa e mafai foi ona tuuina atu galuega o le aoaoina i tulaga-maoa'e ua tuu faatasi e le A'oga. O se faia'oga tumau o le a nofo i Aukilani e fesoasoani i le tuu faatasi o galuega a le A'oga mo le tuuina atu o le lagolago ma aoaoga moomia e i latou e fia atia'e tomali faata'ita'i mai lenei itumalo.

**Matagaluega o Auaunaga Tautupe** (Financial Services Department- FSD – 10 pasene) e gafa ma le faafoeina o teugatupe a le Ekalesia ma le tuuina atu o auaunaga ma fautuaga i aulotu. E ripoti e le FSD tulaga tautupe ma Teugatupe a le Fono Tele ma le Inisiua a le Peripereane i le Komiti-laititi o alamanuia (Resource Sub-Committee) ma le Ekalesia aoao, galulue ma su'etusi i le iuga-o le tausaga i gaoiga tautupe, ma fausia ma vaavaai gaoiga o Tupe fuafuaina. E pulea foi e le FSD fuainumera faamaumau a aulotu ma igoa ma tuatusi uma o aulotu ma a latou saofaga i iloiloga

tupe faasoasoina a le Fono, ta'ita'i le vaiga o faaunegatupe ma tiposi a faifeau ma aulotu, ma tuuina atu ala o fesootaiga mo inisiua a aulotu, pepa utu penisini o taavale a faifeau ma mataupu i Faaputugatupe mo tagata e faasino iai. Ua silafia e le FSD tulaga faigata ma le tele o galuega a teutupe o aulotu ini nai tausaga ua mavae atu, ma ofoina ai fautuaga tautupe, galuega ma lafoga i aulotu, atoa ai ma le saunia ose tusi fou mo Teutupe, o le a faamatuu atu i le amataga o le 2008. E faaopopo atu iai, faatonu tautupe ua ofoina mo vaega o le Ekalesia e pei o le Fono o Tagata Asia ma le Sinoti a Tagata Atumotu o le Pasefika.



*O se vaauga i magaala i Mianama, lea ua avea ose vaauga e taula'i iai galuega tala'i a le Ofisa o Misiona i l2 2007 male 2008*

O le **Ofisa o Misiona** (Global Mission Office – GMO – 9 pasene) ua faatupeina atoa mai le aao foa' o tagata taitoatasi, vaega, faapotopotoga ma Matagaluega Fa'a-peripereane. O le GMO e iloga le eseese o ana teugatupe faapitoa lea e maua ai tupe galue mai tupe tului totogi mai o loo tausia e Faatonu o Meatotino a le Ekalesia. O le faia o auunaga, e aofia ai nusipepa ole 'Global Mission Gazette, e fa'afā ona maua i le tausaga, e maua fua e aulotu Peripereane uma ma aulotu Tufaatasi (Uniting). E leai ni pili a le ofisa poo nisi pili o ni galuega o fai e le GMO, ma o sene uma ua faailo o meaalofa e lafo sa'o i le vaega o faamoemoe iai. Ua faapea ona iai i le GMO le agaga faafetai ona o le toatele o tagata e lafo meaalofa mo le tau o galuega. O le ala pito sili ona lelei e faamatala ai faiga o galuega a le GMO o le tutotonu lea i misiona a aulotu. E mafai ai e aulotu ma tagata taitoatasi, ona auai i galuega faamisiona ma galuega tala'i e ala i le faatupeina o galuega ma asiasiga, ma auala o le fefaaoua'i ma fetalatalanoa'i.

**Tapenaga ma Tuutuuga a le Fono Tele** (8 pasene) o le tau lea po o tupe faasoaina mai ua lē gafatia e isi aulotu ona totogi e pei ona faasoa mai e le Fono Tele. . E ao ina siitia e le Fono Tele lafolafoga uma a aulotu e faola ai le tupe lenei ua lē atoa mai, ina ia faatino ai ana Galuega ma fuafuaga faataatitia. Afai e totogi uma mai tupe a aulotu, o lenei tau o le a lē faataunuaina. Ua silafia lelei lava, ma tigā alofa le Fono Tele, i nai aulotu ua tau lē mafai ona totogi atoa mai iloiloga tupe faasoasoina, ma e faamalosi atu i teutupe ia faafesootai le Matagaluega o Auunaga Tautupe e toe taga'i toto'a i a latou iloiloga tupe faasoasoina.

**Auaunaga Ofisa Tutotonu** (Central Office Services – COS – 7 pasene) e tauaveina le tau o galuega o le ofisa o le Fono Tele i le Ofisa i Terralink House i Ueligitone, e aofia ai le togoti o le lisi, komepiuta, faaititia o le aogā o meatotino ma mea faigaluega. Sa masani ona faaaogā le fale na umia lava a le Fono Tele o Laughton House , sa iai le Ofisa tutotonu, seia oo mai ia Mati 2006, ina ua faatau atu ai lenei meatotino.

O le **National Mission Enabler** (4 pasene) e saili ia mafai e le Ekalesia ona fausia se siosiomaga o le amataga o misiona fou ma toe faafou ia mafai ona tupuolaola ma iai se taunuuga. I le sootaga o tagata vaai ma ekalesia autū ma peripereane ia faafaigofie le faagasologa o le misiona, ma saili alamanuia e ala i suesuega faaneionapo ma faamatalaga, e sui ai le vaai i le misiona. O nisi o faatupeina e ala mai le Presbyterian Foundation, PSDS, le Sinoti a Otago ma Southland, ma le Komiti Aoa Fono Tele mo Misiona o le Lalolagi, faapea foi ona tualala mai nuu ma itumalō. O Misiona a le Atunuu e aofia ai Kids Friendly, galuega taulāmua o le ekalesia e pei o le Student Soul ma



*Tagata pasiketipolo o loo taalo i taaloga o le PYM Fesoota’i07*

le pulea e vasega e lua e pei ona ta’ua i lalo.

**Tupulaga ma Autalavou a le Peripereane** ( Presbyterian Youth Ministry – PYM – 3 pasene). O le PYM e pulea e le National Mission Enabler ma e to’afā le aufaigaluega o loo salalau i tulimanu uma o Niu Sila e lagolago i galuega tau autalavou a aulotu. O le koneferenisi faaletausaga, Connect I e pulea e le PYM ma e maoa’e le faamanuiaina i tausaga ua te’a.

O le **Ofisa Faufautua mo Galuega** (2 pasene) o se tasi o le vaega o le Misiona a le Atunuu ma e tuuina atu fautuaga ma lagolago i aulotu i mea tau i galuega i tofiga o failauga ma e ua faauu, faapea ai ma le tausia o Tofiga Faafaifeau ma Lisi o Ofisa fai Faaiipoipoga, pulea le siakiina o talaaga, atia’e alamanuia mo le Ekalesia aoa ma Galulue ma le Vaega Vaaia Aufaigaluega i le iloiloina o tusi talosaga a faifeau e fia avea ma faifeau a le Ekalesia Peripereane ma pulea le Faaputugatupe ua ta’ua o le ‘Best Travel Fund’.

**Foa'i a le Presbyterian Foundation** (PF – 5 pasene) o se foa'i faasoa faaletausaga i le tupe tului e maua mai le tiposi a le Presbyterian Investment Foundation(PIF). O le aofa'i o le foa'i i le tausaga talu ai e \$190,000 ma sa faamanuaina ai vaega i totonu ma faalapopotoga mai fafo atu o le Ekalesia.

**Fesootaiga** (4 pasene) e tapena ai la tatou tusi o le *Spanz*, fesootaiga ma faifeau i imeli e ala i le Bush Telegraph, tusitusiga a faifeau Candour, ma le vaai lelei ole upega tafailagi a le Ekalesia [www.presbyterian.org.nz](http://www.presbyterian.org.nz). I tausaga na sei mavae atu nei, o le faatupe a le CWM sa faaaoga e faatamo'e ai a'oga i feagaiga ma ala faasalalau ma le polokalame "Standing Out in Your Community". I le 2006, sa amata ai e le vaega o Fesootaiga le faiga o mataupu lautele i tamaoiga ta'i kuata ma mamamu le nusipepa a le Ofisa o Misiona, Global Mission Gazette . O loo feagai foi i tatou ma le Fauautua i talafou o le Fono ma isi tusi i totonu o le ofisa, e faapea foi le tuuina atu o fautuaga i ala faasalalau i le Ta'ita'i, AES ma aulotu, ma pulea tali o fesili i ala faasalalau.



*Tauaofia Ta'ita'i i le toe tauaaina atu o le fanua i Maungapohatu i o latou tagata ia Aukuso 2007*

O le **Failautusi Aoao o le Fono** (Assembly Executive Secretary – AES – 3%) sa ta'ita'ia le vaega o le Ofisa o le Fono ma galue e fai ma sui o le Ekalesia o se auauna a le aufaigaluega galulue i tulaga faaleatunuu. Ia mautinoa e le AES o faaiuga a le Fono Tele ma le Komiti Aoao a le Fono Tele ia faataunuaina. E tuuina atu e le AES faamatalaga ma fautuaga, faatasi ai ma le fesootaiga latalata ma isi ta'ita'i o vaega, e fesoasoani ai i le faataunuaina o le matafaioi faapuleaga a le Komiti Aoao . O le tau o pili a loia e fausiaina le vaega tele o le tupe fuafuaina a le AES . O le AES foi e fai ma sui o le Ekalesia i mataupu tau faalapopotoga e asosi faatasi ma le va fealoaloa'i ma isi Ekalesia ma faalapopotoga i le atunuu ma faavaomalō.

O le **Ofisa Teu Faila** (3 pasene) e faamautu i le Kolisi Faifeau i Knox , Tanetini . O le aoga o le Ofisa Teu Faila e tausia lelei ma fai ia maua uma tusi ma faamaoniga o ata o le faagasologa o le olaga, galuega ma misiona a le Ekalesia, ma sooupu lelei i pulega ma le vaai o faamaumauga i le ofisa a le Ekalesia e talafeagai ma manaoga

faaletulafono ma tupe maua ma tulafono a le Ekalesia e pei ona faatulagaina i le Tusi Tulafono a le Ekalesia ( Book of Order) . O le aso sa amata tuufaatasi ai mai 1847 ma e aofia ai le 550 pepa tusia a tagata taitoatasi mai faifeau, tiakono tamaitai , misionare ma tagata failauga talafeauga, e faapea foi ma le tuufaatasia o le 80,500 o atapu'e ma le 2000 lipine o leo/ata tifaga. O le Ofisa teu faila o loo faatupeina faatasi e tupe fuafuaina a le Fono Tele ma le Sinoti a Otago ma Southland. O le faatupeina o isi galuega faaopopo o loo tausaili mai tupe talosaga faameaalofa mai isi faalapopotoga ma teugatupe faapitua (Trusts).



*Fono Samoa 2007 sa faia i le PIPC Niutone i Ueligitone*

**Ofisa o le Puleaga** (2 pasene) o tupe faaoga e tusa ma le tausiga o fonotaga ma isi galuega o le Komiti Aoao a le Fono Tele ma komiti tumau-laiti e lua a le Ekalesia: Tamaoaiga (Resource) ma Ta'ita'iga (Leadership). Tupe faaoga e ala i le lagolagoina o galuega ma matafai o Komiti Galulue, ua aofia ai i Tupe fuafuaina a le Puleaga, faapea tupe faaoga o galuega a le Ta'ita'ifono o le Fono Tele.

**O isi foa'i** (4 pasene) e aofia ai tupe foai e totogi ai faigamalaga ma tupe faaoga a le Ta'ita'ifono, mo le Sinoti a Tagata Atumotu Pasefika i le lagolagoina o le ofisa o le Sinoti,, faapea foi le fautuina o le Pacific Islands Reflection Centre i Aukilani, mo le Fono Faufautua a Asia e lagolago ma faaulu aulotu Asia i totonu o le Ekalesia Tele, mo Te Aka Puaho mo galuega o le ofisa o Sinoti a Maori ma Aoaoa a Amorangi, ma faatupeina aoaoa tau ta'ita'i ma vasega o galuega faaopopo.

**O Faatonu o Meatotino Ekalesia** (Church Property Trustees – CPT , o se faalapopotoga ua tutoatasi nei i mea Tautupe. E le talaina mai se tupe mai lloiloga Tupe Faasoaoaina a le Fono poo le faatupe e le Fono Tele. O Faatonu o ni ta'ita'i poto masani i pisinisi latou te galulue e le totogia i le vaaia ma pulea o aseta tautupe ma meatotino, e aofia ai Teugatupe Inivesi a le Peripereane ma Faaputugatupe mo Faifeau pe a Mälölö . E latou te faafigluegaina le auaigaluega e toalua, e fesootai ma mataupu i mea totino ma Teugatupe Inivesi a le Peripereane.

## Mo nisi faamatalaga

Mo faamatalaga faalauaitele i galuega o le Fono Tele, e aofia ai galuega ua amatalia ma galuega ua fuafuaina, e maua mai pe a resitara i le *Bush Telegraph* poo le *Spanz*, asiasi i le upega tafa'ilagi a le Ekalesia i le [www.presbyterian.org.nz](http://www.presbyterian.org.nz), ma valaau le Ofisa o le Fono i le Telefoni (04) 801-6000.



Presbyterian Church  
of Aotearoa New Zealand

